

Visoki predstavnik: Civilno društvo je moćna snaga transformacije



Visoki predstavnik Christian Schmidt danas se sastao sa predstavnicima Vijeća Kongresa bošnjačkih intelektualaca (VKBI), Hrvatskog narodnog vijeća (HNV), Forumu parlamentaraca BiH, Srpskog građanskog vijeća – Pokret za ravnopravnost (SGV-PR) i Društva za ugrožene narode.

„Današnji sastanak sa predstavnicima civilnog društva BiH je naglasio neprocjenjiv doprinos koji ovaj ključni demokratski faktor u društvu daje da bi se unaprijedio pluralizam i raznolikost ideja o tome kako se suočiti s dramatičnim izazovima sa kojima se danas suočava Bosna i Hercegovina“, rekao je visoki predstavnik na sastanku.

Visoki predstavnik je naglasio da nema drugog krajnjeg cilja osim suverene, teritorijalno cjelovite i nepokolebljivo stabilne BiH koja je u potpunosti u stanju da izvršava svoje ustavne i zakonske obaveze za dobrobit svih svojih naroda i građana. Svi segmenti bosanskohercegovačkog društva – institucije, političke stranke, nevladine organizacije, građani – moraju doprinijeti tom cilju, istaknuo je.

Visoki predstavnik Schmidt izrazio je zahvalnost na današnjoj prilici da istraži mogućnosti za dijalog sa civilnim društvom u BiH i da se utvrde načini saradnje pri suočavanju sa izazovima koji se moraju riješiti kako bi zemlja krenula

naprijed. Sagovornici su se složili da organiziraju novi sastanak na kojem bi, između ostalog, bilo riječi i o principima za promjenu ustava koje su dogovorili VKBI, HNV, Forum parlamentaraca BiH, SGV-PR i Društvo za ugrožene narode.